

Fondonan di e buki ta bay pa instancia caritativo

ORANJESTAD - “Kico no tin skirbi den e buki cu Tante Es si mester sa di bo?” E pregunta aki a wordo haci na Prome Minister Mike Eman durante presentacion di Jörgen Raymann den Renaissance Center na Oranjestad. E pregunta aki a causa harimento cerca e publico consistiendo di mas di 600 hende ora cu Eman a wordo invita dor di e “alter ego” di e artista/comico pa bin riba podium cerca dje. Tante Es a lesa e buki “Visie, passie en lef”, cu diasabra ultimo a wordo entrega na Doina Eman, casa di Prome Minister, te na e ultimo letter. Tante Es a recorda esunnan presente cu e mucha Mike Eman no tabata e miho alumno pero cu finalmente cosnan a resulta bon pe. Tante Es tabata masha entusiasma di e hecho cu e fondonan di benta di e buki ta bay pa Kinderhuis Imeldahof. Pa yuda e bon causa Tante Es den forma espontaneo a ofrece pa durante pauze y despues di e show pose pa saca potret cu tur hende cu cumpira e buki. E interes pa e buki tabata asina grandi cu e pauze a dura un cuarto di ora



mas largo. Hopi a laga Prome Minister Eman firma e buki pa nan. “Visie, passie en lef” ta costa 25 florin y ta na benta den e boekhandelnan na Aruba y tambe na Superfood y DA. □

